



SIARAN AKHBAR

**MEMORANDUM PERSEFAHAMAN DI ANTARA
UNIT PERISIKAN KEWANGAN, AUTORITI MONETARI BRUNEI DARUSSALAM DAN
ANTI-MONEY LAUNDERING INTELLIGENCE OFFICE, NATIONAL COORDINATION COMMITTEE FOR
ANTI-MONEY LAUNDERING AND COUNTER-FINANCING OF TERRORISM OF THE LAO PEOPLE'S
DEMOCRATIC REPUBLIC**

**Hari Rabu, 12 Zulkaedah 1439 bersamaan dengan 25 Julai 2018
Kathmandu, Nepal**

1. Unit Perisikan Kewangan, Autoriti Monetari Brunei Darussalam (UPK, AMBD) telah menandatangani Memorandum Persefahaman dengan *Anti-Money Laundering Intelligence Office, National Coordination Committee for Anti-Money Laundering and Counter-Financing Of Terrorism Of The Lao People's Democratic Republic* (AMLIO) semasa Mesyuarat Tahunan *Asia/Pacific Group on Money Laundering* pada Hari Rabu, 12 Zulkaedah 1439 bersamaan dengan 25 Julai 2018, di Kathmandu, Nepal.
2. Di bawah Memorandum Persefahaman tersebut, kedua-dua agensi bersetuju untuk bekerjasama dalam pertukaran maklumat perisikan kewangan yang akan membantu dalam siasatan dan pendakwaan pembersihan wang haram dan pembiayaan pengganasan. Penandatanganan Memorandum Persefahaman ini menandakan komitmen kukuh di antara kedua-dua agensi dalam memerangi aktiviti pembersihan wang haram dan pembiayaan pengganasan.
3. Memorandum Persefahaman dengan AMLIO merupakan yang ke-tujuh ditandatangani oleh UPK, AMBD. Memorandum Persefahaman yang telah ditandatangani sebelum ini adalah dengan Unit-Unit Perisikan Kewangan Malaysia, Indonesia, Korea Selatan, Bangladesh, Kemboja dan Singapura.
4. Selain itu, penandatanganan Memorandum Persefahaman juga adalah salah satu langkah dalam melaksanakan pematuhan kepada piawaian antarabangsa berhubung pembersihan wang haram dan pembiayaan pengganasan, khususnya *Financial Action Task Force Recommendation 29*.
5. UPK, AMBD dan AMLIO masing-masing adalah agensi pusat di Negara Brunei Darussalam dan Republik Demokratik Rakyat Lao bagi menerima, memohon, menganalisa dan mengongsikan laporan transaksi yang mencurigakan dan maklumat lain berkaitan dengan pembersihan wang haram dan pembiayaan pengganasan.

Autoriti Monetari Brunei Darussalam

Tarikh: 12 Zulkaedah 1439/ 25 Julai 2018

Rujukan: AMBD/COMMS/3